

Seramai 170 peserta, 113 kertas teknikal dibentangkan pada NGC 2019 di Kota Kinabalu

NST 3-10-2019 7

KOTA KINABALU: Seramai 170 peserta mengambil bahagian dalam National Geoscience Conference (NGC) 2019 yang berlangsung di sini selama tiga hari sehingga esok, dengan tema 'Geosains untuk Kemapanan Bumi'.

Pengerusi NGC 2019, Prof Dr. Rodeano Roslee berkata 113 kertas teknikal dibentangkan di persidangan itu dan selain itu empat kertas ucapan akan disampaikan oleh profesor terkemuka dari Universiti Kebangsaan Malaysia, Universiti Malaysia Sabah (UMS) dan Universitas Halu Oleo.

"Persidangan ini mensasarkan untuk membincangkan potensi, risiko dan krisis termasuk kaedah pengurusan yang sesuai seiring dengan modenisasi disamping amalan sains dan teknologi," katanya dalam kenyataan di sini kelmarin.

Beliau berkata pengetahuan men-

genai sistem dan proses bumi, bersama dengan penerapan teknologi telah meningkatkan kualiti kehidupan manusia melalui penggunaan serta pengurusan sumber semula jadi bumi seperti batu, mineral, petroleum, gas asli dan air bawah tanah.

"Sejajar dengan itu, beberapa topik utama di ketengahkan dalam persidangan ini antaranya pengurangan risiko bencana, geologi kejuruteraan dan mekanik batu, perlombongan dan kuari.

"Selain itu topik yang turut dibincangkan berkaitan dengan geologi tektonik dan struktur, geologi petroleum, pemendapan dan paleontologi, hidrogeologi, geologi alam sekitar dan geokimia, geologi pemuliharaan, geoarkeologi dan geotourisme serta mana-mana yang berkaitan dengan penggunaan atau teknik dalam geosains," katanya.-Bernama